



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 5. Virodununensis, & Apamiensis Episcoporum approbatio appellationis
factæ.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII., habitis in Collegio Clementino, anno
 A. C. 1717., incarnationis Dominicæ millesimo se-
 „ptingentesimo decimo septimo die de-
 „cima Martii.,

§. V.

*Virodunensis & Apamiensis Episco-
 porum approbatio appellationis
 factæ.*

*Acta publ.
 Const. Ab-
 regé de
 l'Hist. Eccl.
 t. 3. p. 524.
 Mem. sur
 l'Appel. des
 Eveques.*

Tantum valuit exempli pravitas, ut
 etiam duo Episcopi, Hyppolitus de
 Bethune Virodunensis, & Joannes Bap-
 tista Apamiensis quatuor Episcoporum
 & Parisiensis Facultatis appellationi ad-
 hære non erubescerent, & quidem
 horum primus die vigesima secunda
 Martii sequens ederet decretum.

„Hyppolitus de Bethune Episcopus
 Comes Virodunensis, sacri Imperii Prin-
 ceps, salutem in eo, qui vera est om-
 nium salus, Viso, mature examinato,
 laudato, & probato instrumento appella-
 tionis interjectæ ad futurum Con-
 ciliū Generale a Constitutione, quæ inci-
 pit his verbis, *Unigenitus Dei Filius*,
 ab illustrissimis Episcopis Petro Mira-
 picensi Episcopo, Joanne Senecensi Epi-
 scopo, Carolo Joachim Montispeffulano
 Episcopo, Petro Boloniensi Episcopo,
 visa etiam Conclusionē adhæSIONIS huic
 appellationi sacre Facultatis Theolo-
 gicæ

gicæ Parisiensis, quæ expresse declara- Sæc. XVIII.
 vit pluribus conclusionibus se hanc Con- A. C. 1717.
 stitutionem non acceptasse, omnibus
 perspectis, & sancto Dei nomine invo-
 cato, declaramus ad conservandam
 sanctam Doctrinam, jura Episcoporum,
 Principum, libertates Regni, nos in
 omnibus adhærere Appellationi inter-
 jectæ a quatuor Episcopis supra memo-
 ratis; quod quidem instrumentum da-
 tum est Parisiis anno Domini millesimo
 septingentesimo decimo septimo coram
 Masson & Touvenot, Notariis Parisien-
 sibus, servata debita reverentia sanctæ
 Sedis Apostolicæ, cui ad extremum
 usque spiritum indivulsa communione
 sumus adhæsuri, servatâ etiam debita
 & legitima Reverentia sanctissimo Do-
 mino nostro Papæ Clementi undecimo,
 a qua nunquam sumus discessuri, &
 Apostolos cum instantia petimus, sup-
 ponentes Nos, Diæcesim nostram in-
 tegram, Ecclesias, Parochos, subditos
 nostros ipsorum jura & statum pro-
 tectioni Dei & universalis Ecclesiæ, ac
 prædicti Concilii Generalis: Protestan-
 tes de innovando Appellationem hujus-
 modi, ubi & quando & coram quibus
 nobis visum fuerit expedire, in cujus
 rei fidem hanc nostram declarationem
 & Appellationem manu nostra signavi-
 mus,

Hh 5

mus,

Sæc. XVIII. mus, apposuimus sigillum nostrum
 A. C. 1717. Secretarii nostri Chirographum.

Haud absimile erat decretum Ap-
 pamiensis Episcopi, qui suam approba-
 tionis voluntatem his verbis die duode-
 cima Aprilis testabatur: Viso, me-
 ture expenso, laudato, & approbato
 instrumento, quo Illustrissimi ac Re-
 rendissimi Domini D. Episcopi Mirape-
 censis, Senecensis, Montispeffulanus
 & Boloniensis provocant & appellant
 a Constitutione SS. N. D. D. Clementis
 Papæ undecimi, quæ incipit his ver-
 bis *Unigenitus Dei Filius*, & ab omni-
 bus inde secutis & secuturis, necnon
 ab omnibus gravaminibus, seu illatis
 seu inferendis, a sanctissimo D. N. D.
 Clemente Papa undecimo, sua auctori-
 tate quacumque ad futurum Con-
 cilium Generale legitime ac libere con-
 gregandum & ad illum vel illos, ad
 quem vel quos pertinet de hoc genere
 causarum ferre iudicium: quod quod-
 dam instrumentum datum est Parisiis
 Anno 1717. die prima Martii coram
 Masson, & Touvenot Notariis Parisien-
 sibus, viso etiam instrumento, quo
 eadem Facultas Parisiensis in Comitibus ge-
 neralibus Anno prædicto 1717. die quinta
 Martii habitis adhæret præfatæ Appella-
 tioni, paratamque se esse profiteretur
 dictam Appellationem suo nomine pro-
 sequi

Sæc. XVIII.
A. C. 1717.

sequi, nos omnibus diligenter & at-
tente perspectis, & sancto Dei nomine
invocato, præmissis expresse Protesta-
tionibus, quod nihil unquam dicere at-
que etiam sentire intendamus, contra
unam, sanctam, Catholicam, Apostoli-
cam & Romanam Ecclesiam, sanctæ-
que Sedis Apostolicæ auctoritatem,
cui ad extremum usque spiritum indi-
vulsa communione adhæsuros esse pro-
fitemur, quodque a debita S. D. N. D.
Clementi Papæ legitima reverentia
nusquam sumus discessuri; ad laudem
Dei omnipotentis, conservationem &
exaltationem Catholicæ fidei, & an-
tiquæ Doctrinæ, pacem ac tranquillita-
tem Ecclesiæ & Regni, defensionem
jurium Episcopaliū ac libertatum Ec-
clesiæ Gallicanæ, adhæremus prædictæ
provocationi & Appellationi, eamque
nomine nostro prosecuturos esse decla-
ramus, *Apostolos* cum instantia peti-
mus, supponentes nos protectioni Dei
& universalis Ecclesiæ ac prædicti Con-
cilii Generalis, & protestantes de in-
novando Appellationem hujusmodi,
ubi & quando, & coram quibus nobis
visum fuerit expedire.,

§. VI.